

“Umbreyting og umbreytingar skuggi.“

Saxneska skáldið eða hirðmaðurinn, er Beda prestur hinn helgi segir frá, átti að hafa svarað Játvin konungi á þessa leið, er konungur spurði, hversu líf vort manna væri: „Líf vort, konungur, er eins og þá vér sitjum inni í höllinni, hlýrri og uppljómaðri, og inn um dyrnar flýgur fugl utan úr myrkru, og samstundis astur út í myrkrið, hvaðan hann kom. Sé nokkur sa maður er oss fræða megi um næturmyrkrið, er vér erum frá komnir, og nótt þá hina löngu, er við oss tekur, þá látum oss hlýða á orð hans, og segi hann til hið sanna.“ Og þar var þá maður, er þóttist mega fræða konung og hirðmenn um upphaf og endir mannlegrar tilveru. Og hann talaði máli kyrkjunnar í Róm. Orð hans fengu góða áheyrn. Hann las upp söguna um sköpun heimsins á sex dögum, sköpun mansins og frásfall, friðþægingu hans fyrir krossdauða Galileans, lyklavöld Péturs, og vald páfastólsins að leysa eða binda á jörð. Játvin konungur tók trú, lét skírast, og landið var kristnað á þeim degi.

Þetta var um árið 600. Síðan hafa liðið 1300 ár.

Enn er þetta sama kristniboð flutt. En aldarhátturinn hefir breyzt. Marga langar til að spryrrja meir út í þessi trúaratriði og þá sérstaklega, hvernig trúboðar vorrar gömlu kyrkju fái vitað, að bókin, sem fræðir þá á þessum hlutum, segi satt frá. Þeir eru seinni á sér en Játvin, að láta skírast.

En langlundargeð trúboðans þreytist, og hann tekur sannleiksleitun spyrjendanna með fáleikum. Og honum finnst, að þessir menn séu skyldugir að taka boðskap sínum, hvort hann sé sannur eða ekki sannur, hvort hann sé samhljúða eða ósamhljóða rödd tímans, og það, sem standi þeim í vegi fyrir að taka á móti þessum boðskap, verði að upprætast hjá þeim. Og það er *cinn*. En efinn á rót sína að rekja til samvizku og sannleikstilfinningar mansins. Það er *samviskan* eða *sannleikstilfinningin*, — hún verður að rifast upp með rótum. En það gjörist með degi hverjum vandasamara verk. Hún á orðið svo djúpar rætur og henni kemur lífsmagn frá öllum hliðum. Stefna